

Na osnovu člana 51, stav 3, tačka 9 Statuta Javnog preduzeća „Parkinzi“ d.o.o. Gradačac i člana 33. Odluke o javnim parkiralištima na području Općine Gradačac (Službeni glasnik Općine Gradačac 4/2013), Direktor Javnog preduzeća „Parkinzi“ d.o.o. Gradačac d o n o s i :

P R A V I L N I K

o blokiranju i deblokiranju nepropisno parkiranih vozila

Član 1.

Ovim Pravilnikom utvrđuju se uslovi, organizacija rada, način naplate i ostale okolnosti u vezi sa poslovima blokiranja i deblokiranja nepropisno parkiranih vozila čiji korisnici čine povredu člana 25. Odluke o javnim parkiralištima na području Općine Gradačac.

Član 2.

Poslove blokiranja i deblokiranja nepropisno parkiranih vozila, u skladu sa članom 33. Odluke o javnim parkiralištima na području Općine Gradačac, obavlja Javno preduzeće „Parkinzi“ d.o.o. Gradačac.

Član 3.

Javno preduzeće „Parkinzi“ d.o.o. Gradačac u cilju izvršenja poslova iz člana 2. ovog Pravilnika, osigurava uređaje za blokiranje vozila (u daljem tekstu: „Lisice“), te organizira službu za blokiranje i deblokiranje vozila.

Član 4.

Po utvrđenoj povredi odredaba člana 25., a u vezi sa članom 33. Odluke o javnim parkiralištima na području Općine Gradačac, ovlašteni uposlenik Javnog preduzeća „Parkinzi“ d.o.o. Gradačac izdaje pismeni nalog kojim se nalaže poduzimanje mjera blokiranja vozila.

Član 5.

Nalog sadrži podatke o nalogodavcu, datum, vrijeme i mjesto izdavanja, fotografiju ili skicu vozila u prekršaju, registarsku oznaku vozila i opis prekršaja sa navedenim povredama člana propisa na osnovu kojeg je vozilo blokirano i potpis uposlenika koji je naložio blokiranje.

Član 6.

Prije početka blokiranja vozila uposlenik koji vrši blokiranje vozila dužan je fotografisati vozilo koje čini povredu odredaba Odluke o javnim parkiralištima kao i sačiniti video zapis istog.

Prilikom blokiranja vozila ovlaštenu uposlenik Javnog preduzeća „Parkinzi“ d.o.o. Gradačac je dužan da na prednje vjetrobransko staklo vozila, koje se blokira, postavi obavještenje da je vozilo blokirano i upute šta vozač treba da učini da bi se vozilo deblokiralo. Obavještenje i upute iz prethodnog stava ovog člana moraju biti ispisane i na „Lisicama“ kojima se vrši blokiranje vozila.

Član 7.

Štete na vozilu nastale za vrijeme blokiranja snosi Javno preduzeće „Parkinzi“ d.o.o. Gradačac, odnosno osiguravajuća kuća sa kojom je Javno preduzeće „Parkinzi“ d.o.o. Gradačac sklopilo ugovor o osiguranju prilikom blokiranja vozila.

Član 8.

Troškove naknade za blokiranje i deblokiranje vozila snosi vlasnik, odnosno korisnik vozila.

Član 9.

Visina naknade za blokiranje i deblokiranje iznosi:

- deblokiranje kamiona, autobusa, priključnog vozila ili radnog stroja iznosi 30,00 KM;
- deblokiranje putničkih vozila iznosi 15,00 KM.

Član 10.

Po pozivu vlasnika odnosno korisnika vozila koje je blokirano, ovlaštenu uposlenici Javnog preduzeća „Parkinzi“ d.o.o. Gradačac dužni su skinuti „Lisice“ kojima je predmetno vozilo blokirano bez obzira da li je vlasnik odnosno korisnik vozila platio naknadu troškova blokiranja i deblokiranja vozila.

U slučaju neplaćanja naknade troškova blokiranja i deblokiranja vozila, ovlaštenu uposlenici Javnog preduzeća „Parkinzi“ d.o.o. Gradačac dužni su sačiniti Izvještaj o počinjenom prekršaju, te isti dostaviti komunalnoj inspekciji radi pokretanja prekršajnog postupka.

Član 11.

Ako vozilo nije deblokirano do kraja radnog vremena, uposlenici Javnog preduzeća „Parkinzi“ d.o.o. Gradačac će deblokirati vozilo i sačiniti Izvještaj iz člana 10. stav 2. ovog Pravilnika.

Član 12.

U slučaju ne poštivanja odredbi člana 9. ovog Pravilnika, ovlašteno lice odnosno komunalni inspektor izdavanjem prekršajnog naloga ili podnošenjem zahtjeva za pokretanje prekršajnog postupka, pokreće i vodi prekršajni postupak na osnovu dokaza dostavljenih od strane uposlenika Javnog preduzeća „Parkinzi“ d.o.o. Gradačac.

Član 13.

Javno preduzeće „Parkinzi“ d.o.o. Gradačac dužno je o svakom blokiranju i deblokiranju vozila voditi evidenciju koja treba sadržavati sve, ovim Pravilnikom predviđene podatke o vozilu, vlasniku ili korisniku vozila.

Član 14.

Ovaj Pravilnik stupa na snagu danom donošenja.

Broj: 23/2014 Datum:

06.08.2014.godine

